


ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՇՏԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1379

28.10.2013թվ.

ՀՀ ոստիկանության պետ,
զեներալ-լեյտենանտ՝
պարոն Վ. Գասպարյանին



Հարգելի պարոն Գասպարյան,

Սույն թվականի հոկտեմբեր ամսին Դիտորդական խումբը այցելություն կատարելով ՀՀ ոստիկանության Տավուշի ՄՎ Նոյեմբերյանի ՁՊՎ, արձանագրել է թերություններ և խախտումներ:

Թերություններ.

29

7263

10

13

1. Բնական և էլեկտրական լուսավորությունը թույլ էին: Երկուսի դեպքում էլ խոչընդոտ էր հանդիսանում վանդակաճաղերի մանր լինելը:
2. Խցերում առկա բարձի երեսները գտնվում էին կեղտոտ վիճակում:
3. Քննչական սենյակը և բուժսենյակը համատեղ էին և գտնվում էին փոշոտ վիճակում:
4. Քննչական սենյակի աթոռներից մեկը կոտրված էր, բացակայում էր բժշկական սավանը:
5. Սանհանգույցից ամբողջ ՁՊՎ-ով մեկ տարածվել էր տհաճ հոտ, այն աստիճան, որ ՁՊՎ-ի սկզբնամասում գտնվող քննչական սենյակում նստելը անհնար էր / սանհանգույցը գտնվում է ՁՊՎ-ի վերջում/:
6. Ըստ ՁՊՎ-ի պատասխանատու ոստիկանի, սնունդը բերվում է խանութից:

Խախտումներ .

1. Ըստ պատասխանատու ոստիկանների արտաքին զննությունը իրականացնում են իրենք և մարմնական վնասվածքներ հայտնաբերելու դեպքում, իրենք էլ արձանագրում են համապատասխան գրանցամատյանում: Դիտորդական խմբի այն հարցին, արդյոք բժիշկ հրավիրում են, մեկնաբանեցին, որ անհարժեշտություն չկա, քանի որ իրենք արձանագրում են բոլոր տեսանելի վնասվածքները:

Արձանագրում ենք, որ ՀՀ ոստիկանության կողմից տրված հանձնարարականը չի պահպանվում համապատասխան բաժնի կողմից: /*փաստը հաստատող լուսանկարներ – 4/*

2. Ինչ վերաբերվում է Դիտորդական խմբի կողմից առաջ քաշած այն հարցին, թե հեռախոսագանգի միջոցով ՁՊՎ-ում գտնվող անձի հարազատներին իրազեկելու կարգը ինչպես է պահպանվում, հերթապահ մասի պետի կողմից առանց որևէ մեկնաբանության, նշեց, որ չեն տեղեկացնում:

Արձանագրում ենք, որ ՀՀ ոստիկանության կողմից տրված հանձնարարականը չի պահպանվում համապատասխան բաժնի կողմից:

3. <<ՁՊՎ-ում պահվող անձանց հաշվառման>> գրանցամատյանում որոշ դեպքերում ՔԿՀ տեղափոխելու և ազատ արձակելու ժամերը չեն նշվում: / *փաստը հաստատող լուսանկարներ –5,15,16,17,18/*

4. Ինչպես նշեցինք թերությունների մեջ, ըստ ՁՊՎ-ի վարչակազմի սնունդը բերվում է խանութից, բայց մեզ տրամադրեցին սննդի մատակարարման պայմանագիր որտեղ նշված չէ ոչ համարը և ոչ էլ կնքման ամիս – ամսաթիվը, միայն առկա էր որ պայմանագիրը ուժի մեջ է մինչև 25.12.2012թ.: /*փաստը հաստատող լուսանկարներ – 1,2,3/*: Ուշագրավը այն է, որ սննդի պայմանագիրը կնքված է ոչ թե ըստ անձերի քանակի և ըստ նախատեսված գնացուցակի, այլ պայմանագիրը կնքված է ըստ ամիսների / հուլիս ամսից մինչև դեկտեմբեր ամիսը/, որը Դիտորդական խմբի համար անհասկանալի է, քանի որ հուլիս ամսից մինչ այցելության օրը՝ հոկտեմբերի 22-ը ՁՊՎ-ում պահվել են 12 անձիք, որոնց սնունդ տրամադրելու հնարավոր տարբերակը 33 օր է և որի ընդհանուր գումարը կազմում է 22.770 ՀՀ դրամ: Ըստ պայմանագրին կից հավելված 2-ի հուլիսից մինչ հոկտեմբեր ամիսները գումարի չափը նախատեսված է եղել 204.000 ՀՀ դրամ, որով ոստիկանության բաժինը պարտավորություն է ստանձնել տրամադրել սնունդ մատակարարողին: Դիտորդական խմբի համար անհասկանալի է այն փաստը, թե ինչ հիմքերով է կնքվել պայմանագիրը ներկայացված ձևաչափով և հաշվարկները

ինչպես են կատարվում, այն դեպքում, երբ մեկ ամիս առաջ ներկայացրեցինք, որ ՀՀ ոստիկանության Սյունիքի ՄՎ Կապանի ՁՊՎ-ն ունի 92.400 ՀՀ դրամ պարք, որը չէր տրամադրվում, որի պատճառով պայմանագիրը խզվել էր, իսկ այս դեպքում նախատեսվածից մոտ 10 անգամ ավել ծախս է ցույց տրվում՝ անհասկանալի հիմքերով:

5. Գիվի Գրիգորիի Խուրուլավան – 17.04.2013թ-ին ժամը 19³⁵-ից մինչև 23.04.2013թ-ը պահվել է ՁՊՎ-ում, և նրան ՔԿՀ տեղափոխման ժամը նշված չէ <<ՁՊՎ-ում պահվող անձանց հաշվառման>> գրանցամատյանում: /*փաստը հաստատող լուսանկարներ – 5/*
6. Ջուրաբ Ջուլբերի Բլիադե – բերման է ենթարկվել Տավուշի ՄՎ Նոյեմբերյանի բաժնի Բագրատաշենի բաժանմունք 26.04.2013թ-ին ժամը 00³⁰-ին: Ձերբակալվել է նույն օրը, ժամը՝ 02³⁵-ին, Նոյեմբերյանի ՁՊՎ է ընդունվել ժամը 03²⁰-ին: Անհասկանալի պատճառներով նրան արգելանքի վերցնելու պահի ժամը ըստ <<ՁՊՎ-ում պահվող անձանց հաշվառման>> գրանցամատյանի նշված է ժամը 01³⁰: Ավելին՝ Ջ. Բլիադեն արդեն ձերբակալվածի կարգավիճակ ունենալով Բագրատաշենի բաժանմունքից Նոյեմբերյանի բաժին բերման է ենթարկվել, և կազմվել է <<անձին բերման ենթարկելու>> արձանագրություն:

Արձանագրում ենք, որ ՀՀ ոստիկանության կողմից տրված հանձնարարականը չի պահպանվում համապատասխան բաժինների կողմից:

Ավելացնենք նաև, որ Ջ. Բլիադեն ազատ է արձակվել ՀՀ ոստիկանության Տավուշի ՄՎ Նոյեմբերյանի բաժնի պետի կողմից հիմք ընդունելով արգելանքի վերցնելու առավելագույն ժամկետը լրանալու փաստը: Որոշման մեջ արգելանքի վերցնելու փաստը ֆիքսված է 26.04.2013թ, առանց ժամը նշելու, իսկ առավելագույն ժամկետը լրանալու փաստը նշված է 29.04.2013թ ժամը 03²⁰, այն դեպքում, երբ նրան արգելանքի տակ պահելու առավելագույն ժամկետը / 72 ժամը/ արդեն իսկ լրացած է եղել ժամը 00³⁰-ին: Ներկայացնենք ուշագրավ մեկ փաստ, որ նույն օրը՝ 29.04.2013թ-ին ժամը 18³⁰-ին Ջ. Բլիադեն արդեն կալանավորվածի կարգավիճակով կրկին ընդունվել է ՁՊՎ: /*փաստը հաստատող լուսանկարներ – 5,6,7,8,9,12/*

7. Սորիդա Անաիդա Օնիկիս – բերման է ենթարկվել Տավուշի ՄՎ Նոյեմբերյանի բաժնի Բագրատաշենի բաժանմունք 11.05.2013թ-ին ժամը 21⁰⁰-ին: Ձերբակալվել է նույն օրը, ժամը՝ 23⁰⁰-ին, Նոյեմբերյանի ՁՊՎ է ընդունվել ժամը 23⁴⁵-ին: Ավելին՝ նա արդեն ձերբակալվածի կարգավիճակ ունենալով Բագրատաշենի բաժանմունքից Նոյեմբերյանի բաժին բերման է ենթարկվել, և կազմվել է <<անձին բերման ենթարկելու>> արձանագրություն:

Ավելացնենք նաև, որ նա կրկին ազատ է արձակվել ՀՀ ոստիկանության Տավուշի ՄՎ Նոյեմբերյանի բաժնի պետի կողմից հիմք ընդունելով արգելանքի վերցնելու առավելագույն ժամկետը լրանալու փաստը: Որոշման մեջ արգելանքի վերցնելու փաստը ֆիքսված է 11.05.2013թ ժամը 23⁴⁵, իսկ առավելագույն ժամկետը լրանալու փաստը նշված է 14.05.2013թ ժամը 23⁴⁵, այն դեպքում, երբ նրան արգելանքի տակ պահելու առավելագույն ժամկետը / 72 ժամը/ արդեն իսկ լրացած է եղել ժամը 21⁰⁰-ին: Ներկայացնենք ուշագրավ մեկ փաստ, որ 15.05.2013թ-ին ժամը 18¹⁵-ին նա արդեն կալանավորվածի կարգավիճակով կրկին ընդունվել է ՁՊՎ: /*փաստը հաստատող լուսանկարներ -10,11,12,13,14/*

8. Սարին Խարիզ Վալերիանի – ըստ <<ՁՊՎ-ում պահվող անձանց հաշվառման>> գրանցամատյանի ՁՊՎ է ընդունվել 16.05.2013թ-ին ժամը 18⁵⁰-ին: ՁՊՎ-ից 20.05.2013թ-ին ժամը 12²⁰-ին ինչ որ Առաքելյան ստացել է տվյալ անձին անհայտ նպատակներով և պարզ չէ թե նա որտեղ է տեղափոխվել և ինչ կարգավիճակով: / *փաստը հաստատող լուսանկարներ -14/*

9. Թամարա Գրիգորիի Քոչարյանը 07.07.2013թ-ին, Երվանդ Ռուբենի Թորոսյանը 10.07.2013թ-ին, Արթուր Ռազմիկի Թորոսյանը 10.07.2013թ-ին և Արսյոմ Ռոբերտի Սերոբյանը 09.09.2013թ-ին ՁՊՎ-ից ազատ են արձակվել հիմք ընդունելով Տավուշի մարզի ընդհանուր իրավասության դատարանի կողմից վարույթն իրականացնող մարմնի խափանման միջոց կալանք ընտրելու վերաբերյալ միջնորդությունը մերժելու որոշումը:


Այցելության պահին ՁՊՎ-ից բացակայում էին քննիչի որոշումներըը նրանց ազատ արձակելու վերաբերյալ: / *փաստը հաստատող լուսանկար -15/*

10. Գազիկ Գևորգի Սարգսյանը բերման է ենթարկվել Բագրատաշենի բաժանմունք 16.10.2013թ-ին ժամը 12.45-ին: Ձերբակալվել է ժամը 15.40-ին, ՁՊՎ է ընդունվել ժամը 16.25-ին: Ըստ <<ՁՊՎ-ում պահվող անձանց հաշվառման>> գրանցամատյանի Գ. Սարգսյանի ազատ արձակելու օրը և ժամը նշված չէ, բայց առկա է որոշում Տավուշի մարզի դատախազի տեղակալ Ս. Անտոնյանի կողմից Գ. Սարգսյանին ազատ արձակելու վերաբերյալ, բայց Գ. Սարգսյանը ըստ <<Ձերբակալվածներին խցերից դուրս բերելու>> գրանցամատյանի ազատ է արձակվել 19.10.2013թ-ին ժամը 14²⁰-ին, արդեն իսկ ձերբակալման առավելագույն ժամը լրացած, որը լրանում էր ժամը 12⁴⁵-ին: / *փաստը հաստատող լուսանկարներ -18,19,20,21,22/*

Այսպիսով խնդրում ենք ուսումնասիրել ներկայացված փաստերը և տալ օբյեկտիվ գնահատական ներկայացվածի վերաբերյալ:

Հարգանքներով՝

ՀՀ ոստիկանության համակարգի ձեռքակալված
անձանց պահելու վայրերում վերահսկողություն
իրականացնող հասարակական Դիտորդական
խմբի նախագահ՝



Հ.Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երեւան, Նալբանդյան 130 հեռ. 59-65-94

N 2/2-1- 3453

<< 05 >> 12 2013թ.

Ձեր 28.10.2013թ. թիվ 2621/1379 գր.

«Ոստիկանության համակարգի ձերբակալված անձանց պահելու վայրերում հասարակական դիտորդների խմբի նախագահ Հասմիկ Սահակյանին

Հարգելի տիկին Սահակյան

Հայտնվում է, որ դիտորդների խմբի կողմից ս/թ հոկտեմբեր ամսին «Ոստիկանության Տավուշի մարզային վարչության Նոյեմբերյանի բաժնի ձերբակալվածներին պահելու վայր կատարած այցելության ընթացքում արձանագրված թերությունները և խախտումները ուսումնասիրվել են «Ոստիկանության շտաբում, իսկ քննչական գլխավոր և Տավուշի մարզային վարչություններում կատարվել են ծառայողական քննություններ, որոնց կապակցությամբ տրվում են ներքոշարադրյալ մեկնաբանությունները:

Արձանագրված թերություններ.

1. ՁՊՎ-ի խցերի պատուհանների վանդակաճաղերը տեղադրված են եղել վարչական շենքի շահագործման ժամանակվանից, որոնք չեն խոչընդոտում բնական լուսավորության թափանցմանը, իսկ արհեստական լուսավորությունը ապահովվում է էլեկտրական շիկացման հզոր (300 ՎՏ) լամպերով:

2. ՁՊՎ-ի 2-րդ խցի բարձի երեսի կեղտոտ լինելու հանգամանքը ծառայողական քննության ընթացքում հիմնավորվել է:

3. Ոստիկանության Նոյեմբերյանի բաժնի շենքային պայմանների պատճառով քննչական և բուժզննության սենյակները համատեղված են, ինչը խոչընդոտ չի հանդիսանում քննչական գործողությունների և բուժօգնություն ցուցաբերելու բնականոն գործընթացներին, իսկ սենյակը մաքրվում է ամեն օր:

4-րդ և 5-րդ կետերում նշված թերությունները վերացվել են:

6. ՁՊՎ-ում պահվող անձանց սնունդը բերվում է «Նոյեմբերյանի կենցաղսպասարկում» ՍՊԸ-ին պատկանող խանութից՝ պայմանագրի համաձայն:

Արձանագրված խախտումներ.

1. ՁՊՎ ընդունվելիս ձերբակալվածի մոտ մարմնական վնասվածք կամ ակնհայտ հիվանդության նշաններ հայտնաբերելու կամ առողջության վերաբերյալ գանգատ լինելու դեպքում ոստիկանության բաժին է հրավիրվում բուժաշխատող, որը կատարում է բուժզննություն և արդյունքների մասին «Ձերբակալված անձանց բուժզննության կամ

բութագնության»>> գրանցամատյանում կատարում է համապատասխան գրառում և վավերացնում ստորագրությամբ: Վերը նշված հանգամանքների բացակայության պարագայում բութագնության գրանցամատյանում ՁՊՎ ոստիկանը նշում է <<գանգատներ չունի>> և ստորագրում կամ ստորագրման տալիս ձերբակալվածին:

Ինչ վերաբերվում է << ոստիկանության շտաբի պետի կողմից տրված հանձնարարականի պահանջը չկատարելուն, ապա հայտնում ենք, որ ՁՊՎ-ի ոստիկանի կողմից բութագնության վերաբերյալ գրառումները կատարվել են 07.07.2013թ., իսկ հանձնարարականը տրվել է 13.07.2013թ.:

2. ՁՊՎ-ում պահվող անձանց հարազատներին հեռախոսակապի միջոցով իրազեկումները կատարվում են սահմանված կարգով, այդ մասին կազմվում է տեղեկանք և դրվում անձնական գործում: Հաճախ ՁՊՎ-ում պահվում են նաև օտարերկրացիներ, որոնց հարազատներին տեխնիկական պայմաններից ելնելով հնարավոր չի լինում իրազեկել, ուստի իրազեկումները տրվում են համապատասխան երկրների դեսպանատներին և << ոստիկանության շտաբի պետի կողմից տրված հանձնարարականի պահանջը չի խախտվում:

3. Դիտորդների խմբի կողմից արձանագրված այն փաստը, որ <<ՁՊՎ-ում պահվող անձանց հաշվառման»> գրանցամատյանում որոշ դեպքերում չեն նշված ՔԿՀ տեղափոխելու և ազատ արձակելու ժամերը, ուսումնասիրությունների արդյունքում հիմնավորվել է:

4. ՁՊՎ-ում պահվող անձանց անվճար սննդով ապահովելու համար ոստիկանության Նոյեմբերյանի բաժնի և <<Նոյեմբերյանի կենցաղսպասարկում»> ՍՊԸ-ի միջև 06.09.2013թ. կնքվել է օրինակելի նոր ձևի թիվ 1 պայմանագիրը, որի հիման վրա իրականացվում է սննդի մատակարարումը: Նշված պայմանագիրը պահվում է բաժնի հաշվապահությունում, իսկ դիտորդների խմբին տրամադրվել է դրա նախնական (սևագիր) ձևը, որի վրա ամսաթիվը և համարը նշված չի եղել: Օրինակելի նոր ձևի պայմանագրում նշված է, որ սննդի համար տարեկան (այլ ոչ ամսեկան) կտրվածքով նախատեսված է 51.000 դրամ: Պայմանագրի համաձայն՝ ՁՊՎ-ում պահվող անձ-օր հաշվարկով, գործող սակագների համապատասխան գումարը փոխանցվում է սնունդ տրամադրող ՍՊԸ-ին:

5. Գիվի Խուրուվալան ձերբակալվել է 17.04.2013թ. ժամը 19.30-ին և ժամը 19.35-ին ընդունվել ՁՊՎ: Ըստ <<Ձերբակալվածներին խցերից դուրս բերելու»> գրանցամատյանի Վ.Խուրուվալան 20.04.2013թ. ժամը 14.40-ին տեղափոխվել է դատարան և ժամը 18.42-ին որպես կալանավոր ընդունվել է ՁՊՎ, այնուհետև 23.04.2013թ. ժամը 12.25-ին Տավուշի մարզային վարչության ուղեկցող դասակի կողմից տեղափոխվել է Վանաձորի ՔԿՀ: Ինչ վերաբերվում է ՔԿՀ տեղափոխման ժամը <<ՁՊՎ-ում պահվող անձանց հաշվառման»> գրանցամատյանում չեն նշվում, ապա նշված մատյանի 9-րդ սյունակում (Նշումներ ձերբակալվածի տեղաշարժի մասին) այն չի պահանջվում:

Գրությունում նշված խախտումների 3-րդ, 6-րդ, 7-րդ, 8-րդ, 9-րդ և 10-րդ կետերում, ինչպես նաև ՁՊՎ-ի 2-րդ խցի բարձերի երեսների կեղտոտ լինելու փաստերը կատարված ուսումնասիրությունների և ծառայողական քննության արդյունքում հիմնավորվել են, որի համար ոստիկանության մի խումբ ծառայողներ ենթարկվել են կարգապահական պատասխանատվության:

<< ոստիկանության շտաբ